

**ხელშეკრულება**  
**სახელმწიფო შესყიდვების შესახებ N 01-03-216**

ქ. თბილისი

23 ოქტომბერი 2017 წელი

**შემსყიდველი:** სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის გიორგი მაჩაბელის სახით;  
მისამართი: ქ. თბილისი, გმირ კურსანტთა ქ. №4;  
საიდენტიფიკაციო კოდი: 202374251;  
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

**მიმწოდებელი:** შპს „ბიენ კომპანი“, წარმოდგენილი მისი დირექტორის ნინო ინასარიძის სახით;  
მისამართი: ქ. თბილისი, საბურთალოს ქ. N 42, კორ.28, ბინა 53;  
საიდენტიფიკაციო კოდი: 405080077;  
საბანკო რეკვიზიტები: სს „საქართველოს ბანკი“, ბანკის კოდი: BAGAGE 22, ა/ა: GE74BG000000729315900.

ერთი მხრივ შემსყიდველი და მეორე მხრივ მიმწოდებელი ჩატარებული ელექტრონული ტენდერის (სატენდერო განცხადების ნომერი N-SPA170013138) გათვალისწინებით, დებენ წინამდებარე ხელშეკრულებას შემდეგზე:

**მუხლი 1. ხელშეკრულებაში გამოყენებულ ტერმინთა განმარტება**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

**მუხლი 2. ხელშეკრულების საგანი**

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის „ინკლუზიური განათლების მხარდაჭერისათვის ადამიანური რესურსების განვითარება“ პროგრამის ფარგლებში სასტუმრო-საკონფერენციო მომსახურების შესყიდვა, რომელიც მოიცავს მონაწილეთა სასტუმროში დაბინავებას, შეხვედრების, კონფერენციების ორგანიზების მომსახურებას, კვებას და ტრანსპორტირებას (CPV 55110000 - სასტუმროში დაბინავების მომსახურება; 55120000 - სასტუმროში შეხვედრებისა და კონფერენციების ორგანიზების მომსახურება; 55130000 - სასტუმროსთან დაკავშირებული სხვა მომსახურებები).

**მუხლი 3. ხელშეკრულების ღირებულება**

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 18 877.00 (თვრამეტიათას რვაასსამოცდაჩვიდმეტი) ლარს;
- 3.3. გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;



3.4 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის ინკლუზიური განათლების მხარდაჭერისათვის ადამიანური რესურსების განვითარების პროგრამა. (პროგრამული კოდი 32 06 03).

#### მუხლი 4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ყველა მოქმედ სტანდარტებს და ნორმებს;

4.2 მიმწოდებელი აცხადებს, რომ გაწეული მომსახურება იქნება უნაკლო.

4.3 გასაწევი მომსახურების მახასიათებლები და ტექნიკური აღწერილობა:

##### 1.სასტუმროში მონაწილეთა დაბინავება უნდა განხორციელდეს შემდეგნაირად:

ა. 30 (ოცდაათი) მონაწილე უნდა განთავსდეს არაუმეტეს 2 (ორი) ადგილიან ნომრებში;

ბ. სასტუმრო ნომრები აღჭურვილი უნდა იყოს ინდივიდუალური სველი წერტილებით, ცივი და ცხელი წყალი (24 საათი), გათბობა-კონდიციონერების გამართული სისტემით (24 საათი), ორადგილიან ნომრებში უნდა იყოს ცალ-ცალკე საწოლები (გასაშლელი საწოლები არ იგულისხმება), ოთახებში დაცული უნდა იყოს სანიტარული ნორმები და უნდა იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა). ნომრები უზრუნველყოფილი უნდა იყოს სასმელი წყლით ბოთლებში: სასტუმროს 1(ერთი) ბინადარზე არანაკლებ 1 (ერთი) ლიტრი. სასტუმროს პერსონალმა უნდა უზრუნველყოს სტუმრების ტვირთის მათ კუთვნილ ოთახებამდე და ნომრიდან სატრანსპორტო საშუალებამდე მიტანა, ასევე მისი შემდგომი უსაფრთხოება.

ინტერნეტის მუდმივი მომსახურება - Wi-Fi ქსელი არანაკლებ 1 მგ/წმ, როგორც ყველა ოთახში, ასევე სამუშაო, შეხვედრების, სატრენინგო და საკონფერენციო ოთახებში. ინტერნეტის მინიმალური სიჩქარე 1 (ერთი) მგბ/წმ., wifi როუტერი უნდა იყოს განლაგებული ყველა სართულზე;

##### 2.სასტუმროში შეხვედრების და კონფერენციების ორგანიზების მომსახურება (სატრენინგო ფართის დაქირავება):

1 (ერთი) სატრენინგო ოთახი 3 (სამი) დღე 30 (ოცდაათი) მონაწილეზე და 1(ერთი) დღე 35 (ოცდათხუთმეტი) ადამიანზე. სატრენინგო ოთახში უნდა იყოს : სამუშაო მაგიდები (თითო მაგიდა 4-5 მონაწილისთვის) და სკამები 35 (ოცდათხუთმეტი) მონაწილისთვის

ა) თეთრი დაფა, დაფის ბორდ მარკერი (არანაკლებ 15 (თხუთმეტი) ცალი სხვადასხვა ფერის),

ბ) პროექტორი და პროექტორის დაფა;

გ) ლეპტოპი/ კომპიუტერი;

დ) ეკრანი და ინტერნეტი;

ე) მინიმუმ 1(ერთი) შეკვრა A4 ფორმატის საბეჭდი ქაღალდი;

ვ) ფერადი სტიკერები, ფლომასტერების შეკვრა;

ზ ) ფლიპ ჩარტი არანაკლებ 2 (ორი) შეკვრა;

თ) ფლიპ- ჩარტის ქაღალდი (მინიმუმ 20 ფურცლიანი შეკვრა) -2 ცალი;

ი) პერმანენტ მარკერი - მინიმუმ 6 (ექვსი) ცალი (სხვადასხვა ფერის);

კ) ტრენინგის მონაწილეები უზრუნველყოფილნი უნდა იყვნენ ერთი ლიტრი (ბოთლით) წყლით/მინერალური წყალით (თითო პერსონა) და მრავალჯერადი გამოყენების ჭიქებით.

საკონფერენციო დარბაზში და სამუშაო ოთახებში უნდა იყოს გამართული კონდიციონერი (გათბობა/გაგრილების საშუალება). სამუშაო ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

საკონფერენციო, სატრენინგო და სამუშაო ოთახები არ უნდა იყოს სარდაფში ან ნახევრად სარდაფში. ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს; სამუშაო ოთახები არ უნდა ემიჯნებოდეს სამზარეულო სივრცეს.

### **3. სასტუმროში კვებასთან და ყავა-ჩაის შესვენებასთან დაკავშირებული მომსახურება:**

კვებითი მომსახურება მოიცავს სამჯერად კვებას და ყავა/ჩაის შესვენებას. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს ვეგეტარიანულ, ასევე სამარხვო და არასამარხვო კერძებს, ამასთან მენიუ უნდა შეიცავდეს:

#### **საუზმე:**

- 1) ცხელი კერძი (1სახეობის);
- 2) გარნირი (1 სახეობის);
- 3) რძის ნაწარმი (3სახეობის);
- 4) მეხვეულის ასორტი (2 სახეობის);
- 5) პურ-ფუნთუშეული (2 სახეობის);
- 6) ნამცხვარი ( არანაკლებ 2 სახეობის: 1(ერთი) სახეობის კრემიანი და 1(ერთი) სახეობის არაკრემიანი (პეჩენია არ განიხილება);
- 7) სასმელი (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით).
- 8) მურაბა, ჯემი, ლიმონი.

#### **სადილი:**

- 1) ცხელი კერძი (3სახეობის, მ/შ 1 - წვნიანი);
- 2) გარნირი;
- 3) ცივი კერძი (5 სახეობის);
- 4) ცომეული (2 სახეობის);
- 5) რძის ნაწარმი (2 სახეობის);
- 6) სალათი (2 სახეობის);
- 7) სასმელი: (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით).
- 8) ხილის ასორტი (სეზონური).

#### **ვახშამი:**

- 1) ცხელი კერძი (2 სახეობის);
- 2) გარნირი (3 სახეობის);
- 3) მეხვეული (2 სახეობის);
- 4) სალათი (2 სახეობის);
- 5) რძის ნაწარმი (2 სახეობის);
- 6) ნამცხვარი ( არანაკლებ 2 სახეობის: 1(ერთი) სახეობის კრემიანი და 1(ერთი) სახეობის არაკრემიანი (პეჩენია არ განიხილება);
- 7) მურაბა, ჯემი;
- 8) ცომეული (2 სახეობის);
- 9) სასმელი (ყავა, ჩაი, გამაგრილებელი სასმელი, ნატურალური წვენი, მინერალური სასმელი (ჩაი და ყავა უნდა იყოს შეუზღუდავი რაოდენობით).



**კვებითი მომსახურება უნდა განხორციელდეს შემდეგნაირად:**

- 1) 23 ოქტომბერი - სადილი, ვახშამი;
- 2) 24 ოქტომბერი - საუზმე, სადილი, ვახშამი;
- 3) 25 ოქტომბერი - საუზმე, სადილი, ვახშამი;
- 4) 26 ოქტომბერი - საუზმე, სადილი, ვახშამი;
- 5) 27 ოქტომბერი - საუზმე, სადილი, ვახშამი;
- 6) 28 ოქტომბერი - საუზმე.

**ყავა-ჩაის შესვენება 24-27 ოქტომბერი:**

- 1) ხსნადი ყავა, რძე, ერთჯერადი ჩაი (შავი, მწვანე), შაქარი (შეუზღუდავი რაოდენობით);
- 2) ნამცხვარი (3 სახეობის 1(ერთი) სახეობის კრემიანი და 2 (ორი) სახეობის არაკრემიანი (პეჩენია არ განიხილება);
- 3) წვენი, ლიმონი.

ყავა/ჩაის შესვენებით სტუმრებმა უნდა ისარგებლონ საკონფერენციო/ სატრენინგო დარბაზში.

**შენიშვნა:** სასადილო ოთახში უნდა იყოს გამართული კონდიციონერი (გათბობა/გაგრილების საშუალება), კვებითი მომსახურების ზუსტი დრო დამატებით უნდა შეთანხმდეს შემსყიდველთან.

**მუხლი 5. მომსახურების გაწევის ვადები და ადგილი**

- 5.1 მომსახურების გაწევა განხორციელდება: 2017 წლის 23-28 ოქტომბერი (5 დამე);
- 5.2 მომსახურების გაწევის ადგილი: ქ. თბილისი, მარშალ გელოვანის ქ. N 6ა, სასტუმრო „ბომონდ გარდენი.“

**მუხლი 6. შესასყიდი ობიექტის მიღება-ჩაბარების წესი**

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის ინკლუზიური განათლების მხარდაჭერისათვის ადამიანური რესურსების განვითარების ხელშეწყობის პროგრამის კოორდინატორს თეონა ხოსიტაშვილი, მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

**მუხლი 7. ანგარიშსწორება**

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.



## მუხლი 8. მხარეთა უფლება-მოვალეობანი

### 8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ გაწეული მომსახურების ღირებულება;

8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

### 8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

### 8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწოროს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

### 8.4 „მიმწოდებელს“ უფლება აქვს:

8.4.1 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

## მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.



## **მუხლი 10. ხელშეკრულების ინსპექტირების პირობები**

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის ინკლუზიური განათლების ხელშეწყობის პროგრამის მიმართულების მენეჯერი სალომე ჩარკვიანი, რომელიც წერს დასკვნას ხელშეკრულების პირობებთან შესაბამისობის შესახებ.

## **მუხლი 11. ხელშეკრულების შეწყვეტა**

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი.

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

## **მუხლი 12. ხელშეკრულების პირობების გადასინჯვა**

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების

ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.



### **მუხლი 13. ფორსმაჟორი.**

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **მუხლი 14. ხელშეკრულების მოქმედების ვადა**

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2018 წლის 31 იანვრის ჩათვლით.

### **მუხლი 15. დავები და მათი გადაწყვეტის წესი**

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

### **მუხლი 16. სხვა პირობები**

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, ხოლო 1 (ერთი) ეგზემპლარი გადაეცემა მიმწოდებელს;

16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

### მუხლი 17. მხარეთა ხელმოწერები

„შემსყიდველი“

„მიმწოდებელი“

სსიპ - მასწავლებელთა პროფესიული

შპს „ბიენ კომპანი“

განვითარების ეროვნული ცენტრი

  
გიორგი მაჩაბელი  
დირექტორი  
202374251

  
ნინო ინასარიძე  
დირექტორი  
405080077  
GEORGIA. BN COMPANY



გასაწევი მომსახურების ხარჯთაღრიცხვა  
2017 წლის 23-28 ოქტომბერი

ა) სასტუმრო საკონფერენციო/სატრენინგო მომსახურება სასტუმროში დაბინავების  
მომსახურება (30 პერსონა)

№	გასაწევი მომსახურების დასახელება	რაოდენობა	დღეები ს/დამე ბის რაოდენობა	ერთეულის ფასი (ფასი)*	საერთო ფასი	
1	სასტუმროს ნომრით მომსახურება, 2017 წლის 23-28 ოქტომბერი (5დამე)					
1.1	არაუმეტეს ორადგილიანი ნომერი	30	5	70.00	10500.00	
				ჯამი:	10500.00	
	<i>შენიშვნა: *ერთეულის ფასში მოიაზრება ნომერში ერთი კაცის დაბინავების ღირებულება</i>					
2	სატრენინგო და სამუშაო ოთახის დაქირავება					
2.1	სატრენინგო ოთახი ( 30 პერსონაზე)	1	3	295.00	885.00	
2.2	სატრენინგო ოთახი (35 პერსონაზე)	1	1	295.00	295.00	
				ჯამი:	1180.00	
3	კვებითი მომსახურება (2017წლის 23-28 ოქტომბერი)					
3.1	საუზმე (24-28 ოქტომბერი)	7:30-8:30 სთ	30	5	16.30	2445.00
3.2	სადილი (23 ოქტომბერი)	2:00-2:30 სთ	30	1	15.20	456.00
3.3	სადილი (24-27 ოქტომბერი)	3:30 -4:30 სთ	30	4	15.00	1800.00
3.4	ვახშამი (23-26 ოქტომბერი)	7:30- 8:30 სთ	30	4	15.80	1896.00
3.5	ვახშამი (27 ოქტომბერი)	8:30-9:45 სთ	30	1	20.00	600.00
				ჯამი:	7197.00	
				სულ:	18877.00	

შენიშვნა: 2). კვებით მომსახურება უნდა განხორციელდეს შემდეგნაირად:

- 1) 23 ოქტომბერი - სადილი, ვახშამი;
- 2) 24 ოქტომბერი - საუზმე, სადილი, ვახშამი;
- 3) 25 ოქტომბერი - საუზმე, სადილი, ვახშამი;
- 4) 26 ოქტომბერი - საუზმე, სადილი, ვახშამი;
- 5) 27 ოქტომბერი - საუზმე, სადილი, ვახშამი;
- 6) 28 ოქტომბერი - საუზმე.

მხარეთა ხელმოწერები

„შემსყიდველი“

სსიპ - მასწავლებელთა პროფესიული  
განვითარების ეროვნული ცენტრი



გიორგი მაჩაბელი  
დირექტორი

„მიმწოდებელი“

შპს „ბიენ კომპანი“




ნინო ინასარიძე  
დირექტორი




ჩვენ ქვემოთ ხელისმომწერნი, ინტერესთა კონფლიქტის თავიდან აცილების მიზნით, გავვეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (შპს „ბიენ კომპანი“) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის დირექტორი



/გიორგი მაჩაბელი/


სსიპ - მასწავლებელთა პროფესიული განვითარების ეროვნული ცენტრის ინკლუზიური განათლების ხელსაწყოების პროგრამის მიმართულების მენეჯერი



/სალომე ჩარკვიანი/

ვიზირება:

სსიპ - მასწავლებელთა პროფესიული განვითარების ეროვნული ცენტრის დირექტორის მოადგილე



/დავით ხვედელიძე/

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის უფროსი



/ია მეზისაური/

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის შესყიდვების კოორდინატორი



/ნიკო გიგოლაშვილი/

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის მთავარი ბუღალტერი



/ირმა გვარამე/

შემსრულებელი

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის შესყიდვების სპეციალისტი



/ირინე სადრაძე/